



UKA 2022/114 – UKA2022/132

11/10-2022

Nivi Olsen

Uunga siunnersuut: Kalaallit Nunaanni sullivimmi avatangiisut inatsisip allanngortinneqarnissaanut inatsisisstatut siunnersuutip (Sullivimmi tarnikkut avatangiisit, isumannaatsuuneq aamma peqqinnejq pillugit suliffeqarfiup suleqataanera, sulliviit naliliiffigineqartarnerinut piumasaqaatinik sukaterineq, Sullivinnik Nakkutillisoqarfiup qisuarriaateqarnissamut periarfissaanik annertusaaneq, paasissutissanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaat.

(Isuimaginninnermut, Suliffeqarnermut Nunamullu Namminermut Naalakkersuisoq)

(Siullermeerneqarnera)

Sullivimmi avatangiisit aammalu suliffimmi iluarismaarininnnejq pitsangoriaateqarnissaanut suliniutit tigussasut aallaavigalugit sulinngitsoortarneq qanoq annikillisarneqarsinnaaneranut Suliffigissaaneq pillugu siunnersuisooqatigiit oqaaseqaatiiliornissaa anguniarlugu Naalakkersuisut peqqusinissaat pillugu Inatsisartut aalajangiiffigisassaattut siunnersuut. Oqaaseqaat suliniutit qanoq ataqtigiissaarneqassanersut atuutsinneqalissanersullu siunnersuutinik tunniussissaaq.

(Inatsisartunut Ilaasortaq Anna Wangenheim, Demokraatit)

(Siullermeerneqarnera)

Uani pineqarput siunnersuutit marluk, maani nunatsinni sullivimmi avatangiisit pitsangorsarnissaanik siunertaqartut. Iluarismaarnarpoq. Naalakkersuisunit siunnersuut tunngaviatigut peqqutaannaavoq, maani nunatsinni Kalaallit Nunaanni sullivimmi avatangiisit pillugit inatsisip, Folketinngimi aalajangerneqarsimasut, allannguutissai isumaqatigerusunnerigut. Allannguutit tulluarput, Demokraatiniillu tamaasa isumaqatigaagut.

Anguniagassanik arlaqarnerusunik suliniuteqarnissanillu arlaqarnerusunik Demokraatit Inatsisartunut ilaasortaatitaata Anna Wangenheim-ip siunnersuutaa imaqrpoq, pingaartillugu tikkuarmagu, uagut Kalaallit Nunaanni napparsimalluni sulinngitsoortarnerput annertuujusoj peqquteqarluarsinnaasorlu sullivimmi avatangiisit tarnikkut ajoqutaasinnaasut peqqutaasut aammalu pivusoq una, Kalaallit Nunaanni sapaatip akunneranut sulineq nunanut allanut sanilliullugu sivilsunerummat. Oqallisssiaq pingaartuuvoq.

Ukiuni kingullerni paasisimavarput, tamatta ilisarisimasaqaratta arlalinnik, uippakajaarnermik eqqugaasimasunik, paasilluarnikuunaguli sooq, taamaattoqarnersoq. Suliassaqarpallaarnermik pissuteqarpa? Suleriutsinik? Sulinerup sivilsullaarneranik? Naluarpot, qularutissaanngilluinarpolli, napparsimaneq pissutigalugu sulinngitsoortarnerit amerlasuut akisummata suliffeqarfinnut aammalu inuiaqatigiinnut. Taamaattumik pingaartuuvoq, sapinngisarput tamaat ajornartorsiutip iliuuseqarfingissaa.



Inatsisartunut ilaasortap Anna Wangenheim-ip uani siunnersuutigaa, Naalakkersuisut peqquneqassasut Arbejdsmiljørådi oqaaseqaateqartinneqassasoq, qanoq ilillutik napparsimaneq pissutigalugu sulinngitsoortarnerit tigussaasunik iliuuseqarnikkut suliffeqarfimmilu iluarisimaarinninnikkut apparitinneqarsinnaanersut. Anna Wangenheim nangilluni siunnersuuteqarpoq, oqaaseqaat innersuussutinik imaqassasoq, suliniutit qanoq tulluarsarneqarlutillu piviusunngortinneqassanersut.

Siunnersuut pitsassuuvoq, apeqqutaaginnarporlu unaagunarpoq, sooq, Naalakkersuisut namminneerlutik tassunga iliuuseqarsimannginnersut.

Siunnersuut pitsaasut tamarmik akuerineqassasut innersuussutigineqarput ataatsimiitaliamilu attuumassuteqartumi suliarineqarnissaat innersuussutigineqarluni.